



Broj: 05-30-3184/21  
Ilidža, 07.07.2021.g.

Na osnovu čl. 90. Statuta Općine Ilidža – prečišćeni tekst („Službene novine Kantona Sarajevo“, broj 33/10, 18/16) i člana 7. Pravilnika o kriterijima, načinu i postupku dodjele budžetskih sredstava za poticaj zapošljavanju na području općine Ilidža, broj:02-02-3129/21 od 06.07.2021.godine i Odluke o izvršenju Budžeta Općine Ilidža za 2021.godinu („Službene novine Kantona Sarajevo“, broj 14/21) Općinski načelnik objavljuje:

## JAVNI POZIV POSLODAVCIMA ZA POTICAJ ZAPOŠLJAVANJU

Općina Ilidža poziva:

- Poslodavce sa područja Općine Ilidža, da prijave potrebu za zapošljavanjem novih radnika koji se nalaze na evidenciji JU Službe za zapošljavanje Kantona Sarajevo – Biro Ilidža.
- Poticajem za zapošljavanje pružamo vam priliku za otvaranje novih radnih mjesta, proširenje djelatnosti, da doprinesete većoj stopi zaposlenosti i razvoju lokalne zajednice.

Planirana sredstva za ovu namjenu za **2021. godinu iznose 140.000,00 KM** – ekonomski kod 614239, a u Budžetu za 2022.godinu obezbijedit će se sredstva za nastavak realizacije poticajne mjere, shodno preuzetim obavezama iz potpisanih ugovora.

Općina će sa poslodavcima, koji budu obuhvaćeni programom i potpišu Ugovor o radu sa nezaposlenom osobom u skladu sa Zakonom o radu u trajanju od 12 mjeseci, po novouposlenoj osobi refundirati sredstva u mjesečnom iznosu od **700,00 KM** za cijelu ili dio bruto plaće, naknada i doprinosa. Svi drugi eventualni troškovi padaju na teret poslodavca.

### SVRHA JAVNOG POZIVA

Svrha javnog poziva je zapošljavanje sa evidencije nezaposlenih, otvaranje novih radnih mjesta i smanjenje broja nezaposlenih lica sufinansiranjem troškova za cijelu ili dio isplate bruto plaće, doprinosa i naknada.

### PRAVO SUDJELOVANJA

Uslovi koje poslodavac mora ispunjavati za sufinansiranje zapošljavanja nezaposlenih osoba su da :

- a) Ima sjedište na području općine Ilidža;
- b) Redovno izmiruju obaveze uplate javnih prihoda, i/ili ima potpisan ugovor sa Poreznom Upravom Federacije Bosne i Hercegovine i sa Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne

- uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
- c) Lice koje će zaposliti, nalazi se na evidenciji nezaposlenih lica JU Službe za zapošljavanje Kantona Sarajevo – Biro Ilidža.

## KOMISIJA

Postupak nakon provedenog javnog poziva provodi Komisija koju imenuje Općinski načelnik u skladu sa članom 10. Pravilnika o kriterijima, načinu i postupku dodjele budžetskih sredstava za poticaj zapošljavanju na području općine Ilidža.

## KRITERIJI

(1) Kriteriji za vrednovanje prijava :

1.	poslodavci koju obavljaju proizvodne djelatnosti	4 boda
2.	poslodavci koji obavljaju uslužne i druge djelatnosti	3 boda
3.	poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje, Služba za zapošljavanje Kantona Sarajevo i Općina	2 boda
4.	poslodavci sa trenutnim brojem zaposlenih: do 10 osoba	1 bod
5.	poslodavci sa trenutnim brojem zaposlenih: od 11 do 30 osoba	2 boda
6.	poslodavci sa trenutnim brojem zaposlenih: od 31 do 50 osoba	3 boda
7.	poslodavci sa trenutnim brojem zaposlenih: preko 50 osoba	4 boda
8.	poslodavci koji su održali zaposlenost u periodu od godine (nisu otpuštali radnike)	4 boda
9.	poslodavci koji su osnovani u 2020. godini	2 boda
10.	ostali poslodavci	1 bod

(2) Kod istog broja bodova prednost se daje poslodavcu koji je prije podnio prijavu.

## VREDNOVANJE PRIJAVA

Vrednovanje/bodovanje i odabir poslodavaca za poticaj zapošljavanju vršit će komisija imenovana od strane Općinskog načelnika.

Nakon provedenog Javnog poziva, Komisija je obavezna da:

- evidentira prispjele prijave;
- razmatra prispjele prijave;
- izvrši vrednovanje/bodovanje prijava koje ispunjavaju uslove i kriterije Javnog poziva;
- sačini listu poslodavaca koji su prijavili potrebu za zapošljavanje novih radnika i koji ispunjavaju tražene uslove i kriterije;
- sačini prijedlog Odluke o uplati sredstava iz člana 5. Pravilnika i dostaviti Općinskom načelniku u roku od deset 20 (dvadeset) dana, od dana zatvaranja javnog poziva.

## **SADRŽAJ PRIJAVE ZA SUDJELOVANJE U JAVNOM POZIVU**

Prijava mora biti potpuna i uz nju mora biti dostavljena sva dokumentacija tražena Javnim pozivom (u originalu ili ovjerene kopije).

Prijava na javni poziv za zapošljavanje treba da sadrži:

- a) Rješenje o registraciji nadležnog registarskog suda za pravna lica,
- b) Rješenje o obavljanju djelatnosti nadležnog općinskog organa uprave za fizička lica –samostalne poduzetnike;
- c) Uvjerenje o izmirenim obavezama uplate javnih prihoda, Potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru,
- d) Obavještenje o razvrstavanju pravnog lica prema klasifikaciji djelatnosti,
- e) Potvrda Nadležne Porezne uprave o broju zaposlenih i otpuštenih radnika u zadnjih godinu dana,
- f) Ovjerenu Izjavu da trenutno nisu korisnici programa sufinansiranja zapošljavanja koja finansira Vlada Federacije Bosne i Hercegovine, Federalni zavod za zapošljavanje, Služba za zapošljavanje Kantona Sarajevo i Općina.

## **NAČIN PREUZIMANJA POTREBNE DOKUMENTACIJE**

Obrazci Izjave i Prijave na Javni poziv mogu se preuzeti na web stranici Općine Ilidža [www.opcinailidza.ba](http://www.opcinailidza.ba) i Centru za pružanje usluga u Općini Ilidža (info desk), u ulici Butmirska cesta 12.

## **PRIJAVA NA JAVNI POZIV**

Prijave na Javni poziv sa naprijed traženom dokumentacijom podnose se u zatvorenoj koverti, na protokol u Centru za pružanje usluga u Općini Ilidža ili putem preporučene pošte na adresu Općina Ilidža, ul. Butmirska cesta broj 12.

Sa naznakom:

Ne otvarati - Za javni poziv poslodavcima za poticaj zapošljavanju.

Javni poziv će biti objavljen na web stranici Općine Ilidža i oglasnoj tabli Općine Ilidža. U jednim dnevnim novinama će biti objavljeno obavještenje o raspisivanju javnog poziva.

Prijave se mogu dostavljati 30 dana od dana objave na web stranici Općine Ilidža.

Neblagovremene i nepotpune prijave neće se uzeti u razmatranje.

Predata dokumentacija neće se vraćati podnosiocima zahtjeva.

Sve dodatne informacije mogu se dobiti putem kontakt telefona: 033 775-750; 033 621- 431.

Rezultati konkursa biće objavljeni na web stranici Općine Ilidža.

## **OSTALE ODREDBE**

**Općina će sa poslodavcima koji budu obuhvaćeni programom potpisati Ugovore, kojim se uređuju prava i obaveze Općine i poslodavca, pravo poslodavca za izbor nezaposlene osobe, obaveza zaključivanja ugovora o radu sa nezaposlenom osobom sa punim radnim vremenom na period najmanje 12 (dvanaest) mjeseci, obavezu isplate**

**naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, do isteka sufinansiranja, obavezu pravdanja pomenutih troškova i dr.**

OPĆINSKI NAČELNIK

Nermin Muzur, magistar uprave